

Na osnovu člana 15. Zakona o principima lokalne samouprave u F BiH („Službene novine F BiH“, broj: 49/06), člana 36. Odluke o izvršenju Budžeta općine Cazin za 2017. godinu („Službene novine općine Cazin“, broj: 01/17), te člana 24. i 118. Statuta Općine Cazin („Službene novine općine Cazin“, broj: 13/10), na prijedlog Službe za opću upravu i društvene djelatnosti, Općinski načelnik, **d o n o s i**

P R A V I L N I K

o dodjeli finansijsko - materijalne pomoći socijalno ugroženom stanovništvu

Član 1.

Ovim Pravilnikom utvrđuje se način i uslovi za dodjelu prehrambenih paketa (prehrambeni i higijenski artikli) socijalno ugroženim osobama koje žive ili su se zatekle na području općine Cazin.

Sredstva za ovu namjenu utvrđena su budžetom općine Cazin za budžetsku godinu na poziciji ekonomski kod 614 229 - **“Ostali grantovi pojedincima iz materijalno-socijalne sigurnosti” u iznosu od 40.000,00 KM.**

Sredstva odobrena kao pomoć licima obuhvaćena ovim Pravilnikom dodjeljivaće se u obliku paketa pomoći u prehrambenim i higijenskim artiklima, te se mogu dodjeliti istim osobama najviše tri (3) puta u toku budžetske godine.

Član 2.

Služba za finansije i računovodstvo je dužna provesti procedure javne nabavke za odabir najpovoljnijeg ponuđača za nabavku prehrambenih paketa u skladu sa Zakonom o javnim nabavkama („Službeni glasnik BiH“ broj: 49/04 , 19/05, 52/05, 8/06, 24/06, 70/06,12/09 i 60/10).

Član 3.

Prehrambeni paketi socijalno ugroženim osobama se razvrstavaju se u tri kategorije prema broju članova domaćinstva:

Prehrambeni paket za domaćinstva sa jednim članom obitelji:

Brašno	5 kg
Ulje	1l
Šećer	2kg
Sol	1 kg
Tjestenina	3 kom
Germa	0,25 kg
Salama	1 kg
Konzerve (riba)	4 kom
Konzerve (narezak)	4 kom
Paštete	5 kom

Prehrambeni paket za domaćinstva od tri do šest članova obitelji:

Brašno	25 kg
Ulje	3 l
Šećer	5 kg
Sol	2 kg
Tjestenina	8 kom
Germa	0,50 kg
Riža	1 kg
Sapun	4 kom
Prašak za veš	3 kg
Mermelada / evrokrem	2 kg
Kafa	1 kg
Maslac/margarin	1 kg
Pašteta	5 kom
Šampon	1 l

Prehrambeni paket za domaćinstva sa više od šest članova obitelji:

Brašno	50 kg
Ulje	10 l
Šećer	5 kg
Sol	5 kg
Tjestenina	10 kom
Germa	0,50 kg
Riža	5 kg
Sapun	5 kom
Prašak za veš	3 kg
Mermelada / evrokrem	2 kg
Kafa	1 kg
Maslac/margarin	1 kg
Pašteta	5 kom
Šampon	1 l

Član 4.

Korisnici pomoći iz granta materijalno - socijalne sigurnosti su osobe, odnosno domaćinstva koja se nalaze u stanju socijalne potrebe i to:

- domaćinstva bez novčanih primanja,
- domaćinstva koja imaju određana primanja koja su nedovoljna za zadovoljavanje osnovnih životnih potreba,
- domaćinstva za koja nadležne ustanove i službe utvrde da se nalaze u stanju socijalne potrebe.

Korisnici pomoći su dužni uz zahtjev za pomoć priložiti:

- Kućnu listu kao dokaz broja članova obitelji,
- dokaz o razvrstavanju u neku od kategorija iz prethodnog stava:
 - a) za domaćinstva bez novčanih primanja dostaviti potvrdu JU "Služba za zapošljavanje USK",
 - b) za domaćinstva koja imaju određana primanja koja su nedovoljna za zadovoljavanje osnovnih životnih potreba dostaviti platnu listu zaposlenog člana domaćinstva,
- za domaćinstva za koja nadležne ustanove i službe utvrde da se nalaze u stanju socijalne potrebe dostaviti potvrdu od JU "Centar za socijalni rad" Cazin, Službe za opću upravu i društvene djelatnosti ili mjesne zajednice sa područja općine Cazin.

Ukoliko nije moguće utvrditi osnov za ispunjavanje uvjeta za dodjelu materijalno finasijske pomoći na neki od pobrojanih načina Služba za opću upravu i društvene djelatnosti će izvršiti uvid na licu mjesta, te na taj način utvrditi materijalno stanje podnosioca zahtjeva.

Izuzetno Služba za opću upravu i društvene djelatnosti može izvršiti uvid na licu mjesta i utvrditi materijalno stanje kod slučajeva nemoćnih osoba i dodjeliti prehrambeni paket bez podnošenja zahtjeva s tim što će isto konstatirati zapisnikom.

Član 5.

Korisnici finasijske - materijalne pomoći mogu biti građani sa prijavljenim prebivalištem na području općine Cazin, koji se nađu u stanju izuzetne socijalne potrebe.

Pravo na dodjelu finasijsko materijalne pomoći mogu ostvariti i lica koja nemaju prebivalište na području općine Cazin, ukoliko se zbog nepredviđenih okolnosti nađu u stanju izuzetne socijalne potrebe, a JU "Centar za socijalni rad" Cazin ocjeni da se radi o takvim osobama.

Pravo na dodjelu finasijsko materijalne pomoći mogu ostvariti i udruženja građana ili mjesne zajednice koje vode akcije solidarnosti prikupljanja paketa za osobe koje su se našle u stanju izuzetne socijalne potrebe, ukoliko takav zahtjev potkrijepe potrebnim dokazima.

Član 6.

Služba za opću upravu i društvene djelatnosti provodi procedure utvrđivanja osnova za dodjelu pomoći prehrambenih paketa, te priprema rješenje koje se upućuje Općinskom načelniku na odobravanje.

Član 7.

Ovaj Pravilnik stupa na snagu danom potpisivanja a objavit će se u („ Službenim novinama općine Cazin“)

Član 8.

Danom stupanja na snagu ovog Pravilnika prestaje da važi Pravilnik za budžetsku 2016. godinu

OBRADIVAČ:

Služba za opću upravu i društvene djelatnosti
Hasan Salkić, prof.

Broj:01/N-14- 2219 /17
Cazin, 31.01. 2017. godine

OPĆINSKI NAČELNIK:

mr. Nermin Ogrišević